

Foreningen Grønlandske Børn suliniutiniq ataavartussanik ujartuivoq

Naliliisussat aningaasat 450.000 koruunit Kalaallit Nunaanni agguaatissavaat – 350.000 koruunit kalaallit suliffeqarfiutaasa katersorsimasaat taavalu 100.000 koruunit inuunnaat tunissutigisimasaat.

Decemberimit februarip tungaanut kalaaleq arnaq angulluunnit sumiiffimmi meeqqanut iluaqutissanik suliniuteqartoq aningaasanik Peqatigiiffik Kalaallit Meerartaannut qinnuteqarsinnaavoq. Aningaasanik Kalaallit Nunaanneersunik Kalaallit Nunaannilu atugassanik.



”Isumassarsiat ataavartussat tamarmik ilalernarput. Suliniutiniq nutaanik aallartitsiniartut salliutinneqarput kingorna pisortat ingerlatsinermut tapiissuteqartarnerisigut ingerlaqqissinnaasussat. Eqqarsaataasinnaapput meeqqat igaffii nutaat imaluunnit taamaattut nutarterneri. Takorluuineq kisimi ”killiliisinnavaoq” taama nassuiaavoq Peqatigiiffik Kalaallit Meerartaanni generalsekretæri Tina Frausing.

”Kalaallit Nunaanni sapinngisamik meeqqat amerlanersaasa iluaqutissarsitinnissaat siunertaavoq. Saniatigullu innutaasuni inuunnaat piumassutsiminnillu suliniutini akissarsiaqarnatik suleqataasut nukittorsarnissaat siunertaalluni. Maannalu ukiup ingerlanerani soqutiginnittut qinnuteqaataannik tigusaqarnissara qilanaaralugu utaqqissavara. Ukiortaap aallartinerani suliniutit tapersiiffigineqartussat naliliisussanik toqqarneqassapput” taama nassuiaavoq Tina Frausing Peqatigiiffik Kalaallit Meerartaanneersaq.

Aningaasat katersorneqarput 2009-mi januarimi inuussutissarsiortut Future Greenland-imik taasamik Nuummi ataatsimeersuarneranni. Tassani kalaallit suliffiutaasa 46-t 350.000 koruunit katersorpaat. Tamatuma kingorna inuunnaq 100.000 koruuninik tunissuteqarpoq meeqqat aasaanerani aallaarsimaarnissamut periarfissaqanngitsut silaannarissu-miinnissaannut aningaasat atorneqarnissaat aalangereerlugu. Tassa aningaasat katillugit 450.000 koruuniupput.

Piumassutsimik sulineq pillugu paasissutissat:

- Nammineq piumassuseq tunngavigalugu suliniuteqarnermut aningaasaliissutissat qinnutigineqarsinnaapput 1.januar 2010-mit 2010-mi 28. februar ilanngulugu.
- Illit suliniutinnut qanoq amerlatigisunik qinnuteqarsinnaanerit killiliiffigineqanngilaq
- Aningaasaateqarfinit allanit suliniutinnut qinnuteqarsimagaluaruilluunnit aningaasanik ukunanga qinnuteqarsinnaavutit. Tamannali qinnuteqarninni ilisimatitsissutigissavat.
- Peqatigiiffik Kalaallit Meerartaat komitè-liorpoq suliniutit taparserneqartussat toqqarnissaannut.
- Aningaasat Kalaallit Nunaanni illoqarfinni nunaqarfinniluunnit sumiikkaluartuni atugassatut naatsorsuunneqarput.
- Peqatigiiffiup neriutigaa illit suliniutit ataavarsinnaasuussasoq taamalu assersuutigalugu pisortanit ingerlatsinermut tapiiffigineqartarluni ingerlaqqilluni.
- Suliniut nammineq piumassutsimik akissarsiaqarnani sullissinissamik tunngaveqassaaq.
- Suliniutissannut aningaasanik pisimaguit taava kingusinnerpaamik ukiup ataatsip qaangiunnerani qanoq ingerlasimanera peqatigiiffimmut oqaluttuarissavat. Assersuut: Igaffiup pilersinneranit assilisat aamma meeqqat igaffimmik atuisut siullit assii.
- Piumassutsimik akissarsiaqarnani sulinermit aningaasaliinermi angalanernut aningaasartuutit aamma pilersinneqareersut suliniutillu ingerlalluareersut ilaatinneqanngillat, aatsaat suliniutit tamakku nutaanik isumassarsiffiusimassapata misilikkusunneqartunik.

- Qinnuteqarnissamut immersugassaq piniarneqarsinnaavoq e-mail uunga nassiullugu tf@fgb.dk kiisalu attavigiineq tamarmi e-mail-ikkut pissaaq.

Attavigiuk

Generalsekretær Tina Frausing, e-mail tf@fgb.dk

Foreningen Grønlandske Børn

L.E. Bruuns Vej 10, 2920 Charlottenlund

